

vin, quelques dix pieces de lard, de l'huile, du pain des fromages, & vne harquebuse, & de la pouldre tout à propos pour faire du feu. Après qu'on eut ainsi tout retiré, le iour de saint Louys tous s'employèrent à faire le possible pour bastir vne chaloupe du desbris du vaisseau, avec laquelle nous irions rangeant la coste chercher quelque nauire de pescheurs: On se mit doncques à trauailler avec meschans ferremens que l'on trouua, elle estoit bien aduancée le quatriesme iour, lors que nous eufmes cognoissance d'une chaloupe qui estoit sous voile venant vers le lieu où nous estions, ils receurent dedans vn de nos matelots qui alla tout seul plus proche du lieu où elle deuoit passer, ils le menerent dans leur vaisseau parler au Maistre, auquel il racōta nostre disgrâce, le maistre tout aussi-tost s'embarqua dans vne chaloupe & nous vint trouuer, nous offrit à tous le passage: Nous voila en assurance, car le lendemain tous les hommes coucherent dans son vaisseau: C' estoit vn vaisseau Basque qui